



Հատուկ կարիքներով մարդկանց աջակցության «Ունիսոն» հասարակական կազմակերպություն

Կլոր սեղան եղեգնածորում

Հուլիսի 29-ին եղեգնածորում կայացավ «Հաշմանդամությունը Հայաստանում. իրավիճակի բարելավման հեռանկարներ» թեմայով քննարկում: Մասնակցում էին պետական մարմինների, ՀԿ-ների և ուսումնական հաստատությունների ներկայացուցիչներ:

Բուռն բանավեճ ծավալվեց ներկայումս վերակառուցվող Մշակույթի տան մատչելիության ապահովման, հաշմանդամների զբաղվածության խթանման և քաղաքում առևճակ մեկ հարմարեցված սանհանգույցի կառուցման անհրաժեշտության շուրջ:

Կլոր սեղանի արդյունքում փորձի փոխանակումը և լուծումների համատեղ որոնումը կարող են նպաստել մարզում ապրող հաշմանդամների կյանքի բարելավմանը:



Պրոֆեսոր Է.Շուկարդի գալարագիծը

Նա պատկած է թաթերը վեր, անօգնական: Աչքերը փնտրում են կառչելու հնարավորություն: Մեծ և կարծր պատյանը պաշտպանում է նրան, բայց միևնույն ժամանակ սպանում: Շուրջը հավաքվել է հետաքրքրասերների հոծ բազմություն, բոլորը կարեկցում են, խորհուրդներ տալիս, օգնության ուղիներ փնտրում: Մա կտևի այնքան ժամանակ, մինչդեռ չի հայտնվի մեկը, ով նրան բնական դիրքի կվերադարձնի: Արդարև է կրիայի ճակատագիրը:

Աշխարհն ընդունակ է կտրուկ փոփոխման, և դու ես որոշում, թե ինչպես հարմարվել ստեղծված պայմաններին՝ ապրել և վախել: Կյանքը թե ատել ամենը և ամենքին, հաղթահարել ցավը թե ստիպել տանջվել թեզ շրջապատողներին, լինել օգտակար թե մոռացվել: Միայն թեզնից է կախված, ինչպես կընդունի թեզ հասարակությունը:

Վերլուծելով հազարից ավելի հաշմանդամների ճակատագրերը, այդ թվում իր սեփականը, էրիկա Շուկարդը մշակեց հաշմանդամ ինքնագիտակցության զարգացման որոշակի մոդել: Այն օգտակար կլինի ոչ միայն հաշմանդամներին և նրանց հարազատներին, այլ նաև վերականգնողական հաստատությունների աշխատակիցներին:

Առաջին օղակ - Հաշմանդամություն: Սթեք, ցավ և անօգնականություն, ժամանակի և տարածության կորստի զգացողություն: Նաև կատարվածի ընկալման անկարողություն:

Երկրորդ օղակ - Ինչո՞ւ ես, այլ ոչ մեկ ուրիշը: Կատարվածի, նոր կարգավիճակի և հնարավոր հետևանքների գիտակցման առաջին փորձ:

Երրորդ օղակ - Քան այսպես ապրել, լավ է մահանալ: Ազդեցիվ վերաբերմունք բոլորի նկատմամբ: Այնուհետև անհուսալիության և անտարբերության վիճակ: Հայտնվում են ինքնասպանության մասին մտքեր: Շատերը հաղթահարում են նման հոգեվիճակը ինքնուրույն, մյուսներին անհրաժեշտ է մասնագետի օգնություն:

Չորրորդ օղակ - Անելանելի թվացող իրավիճակից դուրս գալու փորձեր: Դիմում են հեքիմներին, բժիշկներին, Աստուծուն: Թվում է, թե ելքը գտնված է, սակայն հույսը կապում են նախկին իրավիճակը վերադարձնելու հետ: Պետք է զգուշանալ նման հոգեվիճակից:

Հինգերորդ օղակ - Նորից հուսահատություն, իրավիճակը փոխելու բոլոր փորձերի անօգտակարության զգացողություն: Աշխատանքի և ընկերների կորուստ: Հնարավոր է ակտիվի կամ թմրանյութերի օգտագործում: Դա շատ վտանգավոր է: Այս օղակում մնում է հաշմանդամների շուրջ 2/3-ը: Մեծությունը և շրջապատի զգոնության թուլացումը կարող են ունենալ տխուր հետևանքներ: Շատ կարևոր է հնարավորինս շուտ հանել մարդուն այս անցումային փուլից:

Վեցերորդ օղակ - Հնարավորությունների հստակ գնահատում առանց ավելորդ զգացմունքայնության: Ընդ որում, շատ կարևոր է ունենալ հստակ նպատակ և նախաձեռնել դրան հասնելու իրական ուղիները: Օրինակ, ինքնուրույն մշակել որևէ հարմարանքի, պրոթեզի, սայլակի յուրահատուկ ձև, կամ ընդունվել համալսարան, գիրք գրել, ուսումնասիրել որևէ օտար լեզու, համակարգիչ և այլն:

Յոթերորդ օղակ - Կյանքը կրկին հիասքանչ է և հետաքրքիր: Սկսվում է վստահ ինքնահաստատման գործընթացը: Նպատակները դառնում են ավելի իրական և հասանելի: Կյանքը ձեռք է բերում ոչ միայն նոր իմաստ, այլ նաև հեռանկար ստեղծված քո խելքի, ձեռքերի, տոկուն բնավորության շնորհիվ: Բայց սա չէ գազաթանկետը:

Ութերորդ օղակ - Հավասար հնարավորությունների և իրավունքների ձեռքբերում: Մասնակցություն հաշմանդամների ՀԿ-ների գործունեությանը և աջակցության տրամադրում բոլոր նրանց, ովքեր մնացել են գալարագծի ցածր օղակներում:

«Հաշմանդամը օգնում է հաշմանդամին» սկզբունքը թույլ է տալիս հասարակությանը հաջողության հասնել հաշմանդամների ինտեգրման գործում:



Իրավաբանի անկյուն Հարց և պատասխան

Լսել եմ, որ հաշմանդամ աշխատողներին փոխհատուցվում է իրենց աշխատավարձը: Արդյո՞ք ճիշտ է:

Պ.Մելիքյան, 37 տ., ք.Վեդի

Նախ նշեմ, որ հաշմանդամի աշխատավարձը փոխհատուցվում է նրան աշխատանքի ընդունած գործատուին, ընդ որում փոխհատուցման ծրագրում անմրցունակ անձը, այդ թվում նաև հաշմանդամը, կարող է ընդգրկվել միայն մեկ անգամ:

Աշխատավարձի փոխհատուցման ծրագրի կարգն ու պայմանները սահմանված են ՀՀ կառավարության 2006 թվականի հուլիսի 13-ի N 996-Ն «Աշխատաշուկայում անմրցունակ անձանց աշխատանքի տեղավորման աջակցության նպատակով աշխատավարձի փոխհատուցման կարգը, չափը և պայմանները հաստատելու մասին» որոշմամբ: Աշխատանքի տեղավորված յուրաքանչյուր անմրցունակ անձի համար գործատուին տրվում է փոխհատուցում գործատուի կողմից սահմանված աշխատավարձի 50 տոկոսի չափով, բայց ոչ ավելի, քան «Նվազագույն ամսական աշխատավարձի մասին» ՀՀ օրենքի 1-ին հոդվածով սահմանված նվազագույն ամսական աշխատավարձի չափը: Բացի դրանից, աշխատավարձի փոխհատուցման ծրագրերը սահմանափակված են ժամկետով. փոխհատուցման ծրագրում ընդգրկված 1-ին և 2-րդ խմբի հաշմանդամների աշխատավարձերի փոխհատուցումը տրամադրվում է 2 տարի ժամկետով, իսկ անմրցունակ այլ անձանց մեկ տարի ժամկետով: Աշխատավարձի փոխհատուցումը դադարեցվում է, երբ լրանում է փոխհատուցման ծրագրի ժամկետը, կամ գործատուի և անմրցունակ անձանց միջև կնքված աշխատանքային պայմանագրի լուծման դեպքում: Գործատուի և անմրցունակ անձանց միջև աշխատանքային պայմանագիրը կնքվում է գործատուի և տարածքային կենտրոնի միջև կնքված աշխատավարձի փոխհատուցման մասին պայմանագրում նշված պայմաններով և գործողության ժամկետով:

Ըստ էության, գործատուն կնքում է երկու պայմանագիր. զբաղվածության տարածքային կենտրոնի հետ աշխատավարձի փոխհատուցման մասին, անմրցունակ անձի կամ անձանց հետ՝ աշխատանքային պայմանագիր:

**Իզաբելլա Կարապետյան,
«Ունիսոն» ՅԿ իրավաբան**

Մասնակցե՛ք հաշմանդամ կանանց գեղեցկության 4-րդ ֆոտոմրցույթին

2004թ.-ից «Ունիսոնը» անցկացնում է 16-40 տարեկան հաշմանդամ կանանց և աղջիկների գեղեցկության ամենամյա ֆոտոմրցույթ: Մրցույթի նպատակն է ապացուցել, որ իսկական գեղեցկությունը ոչ մի պարագայում չի խամրում: Տարեցտարի մասնակիցների թիվը ավելանում է, իսկ մրցանակաբաշխության արարողությունը ավելի հանդիսավոր բնույթ է կրում:

Ընտրությունը կատարում է Հայաստանում հեղինակություն վայելող գործիչներից կազմված ժյուրին: Տարբեր տարիներին ժյուրիի կազմում ընդգրկվել են Երվանդ Երզնկյանը, Մարտին Վարդազարյանը, Աշոտ Ղազարյանը, Ֆորշը, Ալեքսանդր Գրիգորյանը և այլ հանրահայտ մարդիկ:



Բացի հիմնական «Միսս Գեղեցկություն» նմինացիայից, սահմանվում են նաև այլ անվանակարգեր՝ «Միսս Ժպիտ», «Միսս Նրբագեղություն», «Միսս Հնայք»... Լավագույն տասնյակում ընդգրկված մասնակիցները պարգևատրվում են մրցանակներով:

Արդեն ընդունվում են 2008թ. մրցույթի հայտերը: Մասնակցե՛ք ֆոտոմրցույթին, և միզուցե՛ք հենց դուք կարծանանաք զխավոր մրցանակին և Միսս Գեղեցկություն - 2008 տիտղոսին:

Տեղեկությունների համար դիմե՛ք (010) 52-21-70 հեռախոսահամարով:



«Ունիսոն» հասարակական կազմակերպությունը հաշմանդամներին անվճար տրամադրում է

- զբաղվածության կենտրոնի ծառայություններ (ռեգյուների կազմում, հարցազրույցին նախապատրաստում և այլն)
- իրավաբանական խորհրդատվություն
- հոգեբանական աջակցություն

Անցկացվում են նաև կերպարվեստի պարապմունքներ:

52-21-70



Նախագիծն իրականացվում է Բայ Հասարակության Ինստիտուտի և Լիդերսնեթերի Կառավարության ֆինանսական միջոցներով

Միժեռնանի երաժիշտը դուրս է եկել կիթառահարների մրցույթի եզրափակիչ փուլ



Լոնդոնում կիթառահարների մրցույթի եզրափակիչ է դուրս եկել 22-ամյա Մարկ Փլեյլը (Marc Playle), որի մոտ ի ծնե բացակայում է ձախ ձեռքը (մինչև արմունկը):

Փլեյլը կիթառ նվագում է 14 տարեկանից, օգտագործելով ձեռքին անրացված հատուկ սարք, որի ծայրին մեղիատոր է տեղադրված: Երաժշտական կրթությունը ստացել է Նյուքասլի քոլեջում:

Մրցույթին նա որոշեց մասնակցել մասնագիտական կատարելագործման նպատակով: Սկզբում մրցակիցները քսանն էին, և, Փլեյլի խոստովանությամբ, հաղթելու հավանականությունը մեծ էր: Սակայն, երբ մրցույթի մասնակիցների թիվը կտրուկ աճեց, հասնելով 750-ի, Փլեյլը կորցրեց եզրափակիչ փուլ հասնելու հույսը: Այնուամենայնիվ, նա ընդգրկվեց եզրափակիչ լավագույն 12 երաժիշտների թվում:

Ներկայումս Մարկ Փլեյլը «Մինիքին» խմբի կազմում պատրաստվում է ծայրերից թողարկել:

Գլխավոր խմբագիր Արմեն Ալավերդյան

Հրատարակումը պատրաստեցին
Դավիթ Բաբայան
Մարիաննա Չալիկյան
Իզաբելլա Կարապետյան

Հասցե՝ «Ունիսոն» ՀԿ, Երևան 0002,

Դեմիրճյան 36

Հեռ./ֆաքս՝ (010) 52-21-70

Վեբ-կայք՝ www.unison.am

Էլ. փոստ՝ unison@unison.am